



UNIVERSITÄTS-
BIBLIOTHEK
PADERBORN

**D. DIONYSII || CARTHVSIANI, DE || DOCTRINA ET REGV-||lis
vitae Christianæ**

Dionysius <der Kartäuser>

Coloniae, 1577

VD16 D 1959

De mundi contemptu exemplo Christi. 15.

[urn:nbn:de:hbz:466:1-60177](https://nbn-resolving.org/urn:nbn:de:hbz:466:1-60177)

328 D. DIONYS. CARTH.
vnusquisque id faciat, nec excusare se
debet quispiam à perfectionis statu
aggrediendo, dummodo aliter ido-
neus fuerit, Porro si tu religionem in-
traueris, nunquid ob hoc mundus de-
ficiet? Nunquid propter te derelin-
quetur terra, aut transferentur rupes
de loco suo? Sapientissimi ergo con-
siliarij. qui est magni consilij angelus,
ac quiesce consilijs, vt te ipsum ab in-
finitis periculis excutere possis, viam-
que compendiosiore, tutiore, &
tranquilliore, ac magis meritoriam
ambulare, donec gaudium Domini
Dei tui merearis intrare.

*De mundi contemptu, exemplo
christi. Articul. XV.*

Ioan. 8.

Locutus est Iesus, Ego sum lux
mundi. Qui sequitur me, non
ambulat in tenebris, sed habebit
lumen vitæ. Quemadmodum Leo
papa scitissime asserit. Tota victoria
saluatoris qua & diabolum superauit
& mundum, humilitate est concepta,
humilitate confecta. Christus insuper
sicut ait Bernardus, in omnibus id e-
legit

Bernar.

DE ARCTA VIA SAL. 329

legit, quod carni molestius est, & quod
humilitatem magis præterdit. Nam
& pauperem matrem elegit, de qua
medio hyemis, medio noctis, alieno
in loco, vili in stabulo, voluit nasci:
Natus quoque inuolutus est pannis,
& in præsepio inclinatus. Insuper cum
esset diues & superditissimus ceu ve-
rus, summus, omnipotens Deus: pro-
pter nos factus est pauper, & ad eopatis
per. vt dicat: Volucres cœli nidus ha-
bent, & vulpes foveas: filius autem
hominis, non habet vbi caput suum
reclinat. Quantas vero à ludæis pas-
sus est persecutiones, euangelistæ te-
stantur. Iam siquidem dixerunt ei:
dæmonium habet & insanit, homo
vorax, potator vini, amicus publica-
norum. In principe dæmoniorum eij-
cit dæmones. Non est hic homo à Deo:
& nos scimus, quia hic homo peccator
est. Nunquid interficiet semetipsum.
Iam volebat eum præcipitare, iam la-
pidare, tandem turpissima eum mor-
te peremerunt. Sed quid in omnibus
his egit innocens Dei agnus, filius pa-
tris æterni? Patientiam habuit, reddi-
dit bonæ pro malis, verbum salutis lo-
quebatur ingratis, pro crucifixoribus
exorauit,

Matth. 8.

Iohan. 10.

Matth. 11.

Iohan. 8.

Esai. 14.
Marc 15.

Psal. 21.

Luc. 24.

exoravit, tanquam ovis ad occisionem ductus est, & tanquam agnus coram tondente obmutuit. Coram Pilato in super & Herode falsissime accusatus, nihil respondit. Factus est Deo patri obediens usque ad mortem. Scipsum dedit pro nobis oblationem & hostiam. Vulneratus est propter peccata nostra, eatenusque in cruce distentus, diris clavis confixus ut dinumerarentur omnia eius ossa. Sicque oportuit Christum pati, & intrare gloriam suam. Quid ergo nobis incumbit si viri Christiani, & de numero saluandorum esse optamus? nisi ut Christi paupertatem utcumque, eius humilitatem, patientiam, charitatem sectemur, proprium corpus per opera poenitentiae castigemus, carnem nostram cum vitijs & concupiscentijs crucifigamus, arctam viam cum sollicitudine & timore incedere festinemus, non vincamur a malo, sed malum in bono vincamus, nulli malum pro malo reddamus, non in delitijs miserabilem carnem nostram alamus, nulli leuitati, vanitati aut iocis locum praestemus? Quod qui egerit mundum feliciter spnit, seipsum laudabiliter vincit, discitque

scitque à Christo, quod mitis est & humilis corde. Præ omnibus quippe oportet, vt tota conuersatio nostra in vera humilitate fundetur. Propter quod Leo papa sapientissimè loquitur. Tota inquit Christianæ sapientiæ disciplina non in sapientia verbi, non in astutia disputandi, neq; in appetitu laudis & glorię, sed in vera & voluntaria humilitate consistit, quam Dominus Iesus ab vtero matris vsque ad suppliciũ crucis pro omni fortitudine, & elegit & docuit. Ex his constare opinor, quã verum sit quod ait *Cypria.* Cyprianus, Tota vita hominis Christiani, si secundum euangelium viuat, crux est atque martyrium. Et itidem veraciter dicit *Chrysof.* Christianus nemo rectè dicitur, nisi qui Christo motibus conformatur. Itaq; mi dilectæ si Iesum Christum saluatorem nostrũ esse cognoscimus ac Dominũ, erubescamus ei nõ conformari. Verecundemur delicate, molliter, atq; carnaliter viuere, humanis fauore & laude gaudere, propria commoda quærere, vano superboue corde incedere. Vita nostra media est inter vitã angelorum & pecorum. Si secundum

dum

dum carnem viuimus, bestijs compa-
ramur Si secundum spiritum, angelis
sociamur Quod si spiritualibus vitijs
subiacemus, elationi, ambitioni, va-
næ gloriæ, vanitati nephariæ, non iã
brutis, sed demonibus copulamur,
præsertim cum spiritualia vitia, lo-
quendo in genere, carnalibus sint vi-
tijijs grauiora. Vis scire quis vere Chri-
stianus dicatur? Augustinum, audi di-
centem. Ille vere Christianus est, qui
omnibus facit misericordiam, qui
nulla mouetur iniuria, qui alienum
dolorem sentit vt proprium, cuius
mensam nullus pauper ignorat, qui
coram hominibus inglorius habetur,
vt coram Deo & angelis gloriatur,
qui terrena contemnit, vt possit habe-
re cœlestia, qui miseris succurrit &
condolet, alienisque fletibus ad fle-
tum mouetur. Itaque emundemus
nos ab omni inquinamento carnis &
spiritus, & Christum regem nostrum
per vitam timoratam ac fructuosam
viriliter imitemur. Omnem iram, in-
dignationem, animositatem, carnali-
tatem penitus detestantes, quatenus
conuerſi efficiamur vt paruuli.

De

*Christians
quis sit.
Augustinus*